

古今文綜

野々書肆

古今文選

卷之四

古今文綜 第三部 碑文墓銘之屬

第二十四冊

目錄

第二編 墓銘類

第六章 墓銘之作法下

(乙) 格式之屬

(一) 僅稱爲碑

漢蔡邕郭有道碑

魏邯鄲淳孝女曹娥碑

北周庾信周大將軍司馬裔碑

唐韓愈曹成王碑

唐韓愈清邊郡王楊燕奇碑

清胡天游趙開府碑

清洪亮吉翰林院編修記名御史鉛山蔣先生碑文

(二) 僅稱爲碣

唐張九齡後漢徐徵君碣

(三) 僅稱爲誌

唐柳宗元亡妻弘農楊氏誌

清全祖望陸佛民先生志

清全祖望朱孺人李氏志

(四) 僅稱爲銘

漢蔡邕貞節先生范史雲銘

清汪中大清故高郵州學生賈君之銘

清汪中大清故候選知縣李君之銘

(五) 平分段落

唐韓愈故貝州司法參軍李君墓誌銘

唐柳宗元唐故嶺南經畧副使御史馬君墓誌

唐元稹唐工部員外郎杜甫墓誌銘

宋王安石虞部郎中贈衛尉卿李公神道碑

宋王安石荆湖北路轉運判官尙書屯田郎中劉君墓誌銘

宋王安石僊居縣太君魏氏墓誌銘

清吳汝綸廣西潯州府知府薛君墓碑

(六)有銘無序

梁任昉劉先生夫人墓誌

元姚燧故民鍾五六君墓銘

明方孝孺宋仲珩墳誌銘

(七)名爲銘而無銘

唐韓愈殿中少監馬君墓誌銘

宋王安石馬漢臣墓誌銘

(八)畧於序而詳於銘

唐韓愈唐故右龍武統軍劉公墓碑

宋王安石梅公神道碑

宋王安石虞部郎中晁君墓誌銘

清姜宸英安城楊君墓誌銘

清姚鼐四川北道按察副使鹿公墓誌銘

清曾國藩劉母譚孺人墓志銘

(九)銘語述餘事

清曾國藩江忠烈公神道碑銘

清曾國藩李忠武公神道碑銘

(十)銘語述世系姓字

宋王安石贈尙書刑部侍郎王公墓誌銘

宋王安石金溪吳君墓誌銘

清姚鼐汪玉飛墓誌銘

(十一)銘不用韻語

唐韓愈河中府法曹張君墓碣銘

宋王安石太常博士曾公墓誌銘

清龔自珍武進莊公神道碑銘

(十二)通體用也字

宋王安石度支郎中葛公墓誌銘

宋汪藻主簿胡君墓誌銘

明宋濂故章府君墓版文

第七章 墓銘之其餘各體

(甲)後誌

唐柳宗元故連州員外司馬浚君墓後誌

清全祖望耕巖沈先生續志

(乙)神誥

漢蔡邕交趾都尉胡府君夫人黃氏神誥

(丙)些詞

清全祖望明翰林院簡討箕仲錢公些詞

(丁)祠版文

清張惠言恭城知縣陸君祠版文

(戊)塚闕文

清全祖望薛高士塚闕文

清惲敬南儀所監掣同知署揚州府知府護兩淮鹽運使李公墓闕銘

(己)墓幢銘

清全祖望宗徵君墓幢銘

(庚)石蓋文

清全祖望明監察御史退山錢公墓石蓋文

(辛)石柱銘

唐張說唐故涼州長史元君石柱銘

(壬)華表銘

清惲敬翰林院庶吉士金君華表銘

(癸)石人銘

唐陳子昂周故內供奉學士懷州河內縣尉陳君石人銘

古今文綜

第三部

碑文墓銘之屬

第二十四冊

杭縣張相讓錄

杭縣姚漢章閱訂

第二編 墓銘類

第六章 墓銘之作法下

(乙) 格式之屬

碑表立於墓上。文可瞻詳。墓誌埋於壙中。體宜簡要。東坡爲張文定公作墓誌。七千餘字。論者以爲非法。唐人墓誌。至長不過千字而已。茲復述其大體之顯著者。參伍錯綜。約十二目。若夫諱字姓氏。鄉邑族出行治履歷。卒日壽年。妻子葬地。王止仲所云十三事者。成書具在。覽者可自得也。

(一) 僅稱爲碑

漢人尙質。往往而有自唐以還。乃限以品級矣。錄文七首。

漢蔡邕郭有道碑

先生諱泰字林宗。太原界休人也。其先出自有周王季之穆。有號叔者。實有懿德。文王咨焉。建國命氏。或謂之郭。卽其後也。先生誕應天衷。聰睿明哲。孝友溫恭。仁篤慈惠。夫其器量弘深。姿度廣大。浩浩焉。汪汪焉。奧乎不可測。已若乃砥節厲行。直道正辭。貞固足以幹事。隱括足以矯時。遂考覽六經。探綜圖緯。周流華夏。隨集帝學。收文武之將墜。拯微言之未絕。於時纓綏之徒。紳佩之士。望形表而景附。聆嘉聲而響和者。猶百川之歸巨海。鱗介之宗龜龍也。爾乃潛隱衡門。收朋勤誨。童蒙賴焉。用祛其蔽。州郡聞德。虛己備禮。莫之能致。羣公休之。遂辟司徒掾。又舉有道。皆以疾辭。將蹈鴻厓之遐迹。紹巢許之絕軌。翔區外以舒翼。超天衢以高峙。稟命不融。享年四十有三。以建寧二年正月乙亥卒。凡我同好之人。永懷哀悼。靡所置念。乃相與惟先生之德。以謀不朽之事。僉以爲先民旣沒。而德音猶存者。亦賴之於見述也。今其如何而闕斯禮。於是樹碑表墓。昭銘景行。俾芳烈奮於百世。令聞顯於無窮。其詞曰。

於休先生。明德通玄。純懿淑靈。受之自天。崇壯幽浚。如山如淵。禮樂是悅。詩書是敦。匪惟撫華。乃尋厥根。宮牆重仞。允得其門。懿乎其純。確乎其操。洋洋搢紳。言觀其高。棲遲泌邱。善誘能教。赫赫三事。幾行其招。委辭召貢。保此清妙。降年不永。民斯悲悼。爰勒茲銘。摛其光耀。嗟爾來世。是則是效。

魏邯鄲淳孝女曹娥碑

孝女曹娥者。上虞曹盱之女也。其先與周同禮。末胄荒沈。爰來適居。盱能撫節案歌。婆娑樂神。以漢安二年五月時。迎伍君。逆濤而上。爲水所淹。不得其屍。時娥年十四。號慕思盱。哀吟澤畔。旬有七日。遂自投江死。經五日。抱父屍出。以漢安迄於元嘉元年。青龍在辛卯。莫之有表。度尙設祭誄之。辭曰。

伊惟孝女。曄曄之姿。偏其反而。令色孔儀。窈窕淑女。巧笑倩兮。宜其家室。在洽之陽。待禮未施。嗟喪慈父。彼蒼伊何。無父孰怙。訴神告哀。赴江永號。視死如歸。是以眇然輕絕。投入沙泥。翩翩孝女。乍沈乍浮。或泊洲嶼。或在中流。或趨湍瀨。或還波。

濤千夫失聲。悼痛萬餘。觀者填道。雲集路衢。流淚掩涕。驚慟國都。是以哀姜哭市。杞崩城隅。或有剋面引鏡。勞耳用刀。坐臺待水。抱樹而燒。於戲孝女。德茂此儔。何者。大國防禮。自修。豈況庶賤。露屋草茅。不扶自直。不鏤而雕。越梁過宋。比之有殊。哀此眞厲。千載不渝。烏呼哀哉。亂曰。名勒金石。質之乾坤。歲數歷祀。邱墓起墳。光於后土。顯照天人。生賤死貴。利之義門。何悵華落。雕零早分。葩豔竊窀。永世配神。若堯二女。爲湘夫人。時效彷彿。以昭後昆。

北周庾信周大將軍司馬裔碑

公諱裔。字遵胤。河內溫人也。昔顓頊之命。始則南正司天。重黎之後。又以羲和掌曆。夏陽適晉。得隨會而同奔。東海避秦。與毛公而俱隱。其後金行受命。玉笥南遷。帝系極於輿圖。中朝至於江表。曾祖楚之。晉太傅錄尚書揚州牧。會稽文孝王之次子。元顯之幼弟也。元顯見害之後。桓玄篡逆之初。爰自齟齬。客身屠釣。河內道左。抱劍長號。代郡城前。慟悲靈祭。江淮志節之士。汝潁風塵之客。感激一言。咸多

依附。旣而雲生。伏龜星出。鯨魚太白。經天。蚩尤映野。公乃收合餘燼。泣血登陴。臨武牢之關。據成臯之坂。擁衆萬家。歸於魏室。魏明元皇帝遙授平南大將軍。荊州刺史。襲封瑯琊郡王。尙河內公主。命王承制。從賓國之儀。於時宋兵憑陵。旗鼓侵逼。虎牢不封。金墉無援。魏太武皇帝授王使持節侍中。安南大將軍。開府儀同三司。給前後部鼓吹。元戎啟行。志雪冤恥。登壇慷慨。三軍掩泣。黃河漕粟。已出石門。白馬連旗。將臨野坂。旣而雲中柝起。代郡烽燃。反旆南轅。途窮北略。贈征西大將軍。都督梁益秦寧荆充青豫郢洛十州諸軍事。揚州牧。司徒。諡貞王。祖金龍。封瑯琊鎮西大將軍。儀同三司。吏部尙書。贈司空。諡康王。父悅。鎮南將軍。豫州刺史。漁陽莊侯。以荆河刺舉。時值亂離。釁起蕭牆。遂終非命。公遺腹載誕。流離寇逆。複壁襁負。深山擁樹。程嬰之匿。趙武之從。役家臣。王成之藏。李燮爲傭。酒市遭太夫人憂。苦草墳塋。以終灰燼。形骸毀瘠。逾於喪禮。年十有五。始幹家事。楹前鑿柱。卽取遺書石上。開松。仍求故劍。出身司徒府參軍。除中堅將軍。員外散騎常侍。值魏室多

難。所在烽起。孟津以北。無復封畿。嵩山以南。卽爲鋒鏑。公建議修武。立柵溫城。函谷。西。封。河。橋。北。斷。長。亭。籍。馬。竝。入。武。城。百。里。租。車。咸。輸。溫。縣。太。祖。文。帝。締。構。關。都。經。綸。夷。阻。招。攜。以。禮。懷。遠。以。德。馬。文。淵。之。擇。主。去。隴。坻。而。歸。身。竇。周。公。之。入。朝。在。河。西。而。奉。詔。大。統。七。年。蒙。授。平。東。將。軍。北。徐。州。刺。史。十。年。河。內。故。義。四。千。餘。家。願。立。忠。誠。須。公。衣。錦。乃。授。使。持。節。領。河。內。太。守。加。前。將。軍。懷。州。拓。境。兩。鎮。奔。波。柳。泉。轉。戰。三。城。授。首。十。三。年。太。祖。召。山。東。諸。立。義。之。將。能。率。衆。入。關。者。有。加。重。賞。公。率。先。而。至。領。戶。千。室。卽。以。爲。封。固。辭。不。受。其。菽。粟。之。賜。或。以。指。園。馬。牛。之。賞。將。同。量。谷。朝。廷。以。華。陽。西。極。漢。水。東。流。歎。孟。達。之。奔。兵。怪。劉。封。之。失。策。魏。前。元。年。移。鎮。漢。中。除。白。馬。城。主。領。華。陽。郡。守。昔。稱。導。漾。今。聞。上。瀦。煙。沉。冰。井。雨。歇。雲。門。其。年。授。大。都。督。加。散。騎。常。侍。柱。國。蜀。國。公。開。金。牛。之。道。通。牧。馬。之。關。公。卷。甲。北。塞。懸。軍。束。馬。遂。得。策。預。葭。萌。勳。參。綿。竹。封。龍。門。縣。開。國。子。蒲。州。刺。史。仍。領。新。州。尋。授。使。持。節。車。騎。大。將。軍。儀。同。三。司。大。中。正。隆。周。授。圖。天。保。大。定。以。公。才。望。仍。爲。舊。臣。遂。乃。義。深。

追遠恩隆繼絕。卽改封瑯琊縣公。邑五百戶。仍遷驃騎大將軍。開府儀同三司。都督巴州諸軍事。巴州刺史。武成二年。被勅赴援信州。魚復道阻。屢却岑彭荆門。水急。幾沈。吳漢公乃月峽先登。瞿塘直上。天子以公操履忠勤。儀刑亮直。乃徵爲大御伯。尋轉大御正。邑一千一百戶。樞機近侍。出納絲言。所謂多識舊章。殿中無雙者矣。四年。大軍東討。公所領義衆。先守枳關。授都督懷州諸軍事。懷州刺史。偃師張幕。河陽牧馬。雖接戰於富平。已連營於官渡。五年。詔追還。拜始州刺史。更討信州賊山彰。尋寶渝恃險。峽路五尺。絙約纔通。縣水三門。橋飛齊渡。旣而風行草偃。谷靜山空。前後平十一城。獲九千餘口。馬歸平樂。金輸水衡。天保二年。除信州刺史。都督信州諸軍事。朝發白帝。暮宿江陵。氣振巴邱之兵。威警建平之戍。五年。遷潼州刺史。益州柱國公。降帝子之重。鎮天井之星。延閣擬於叢臺。岷山方於代郡。公仰稟雄謨。參謀遠略。故得身預舞陽之功。位極長平之寵。六年。授使持節大將軍。大都督西寧州諸軍事。西寧州刺史。方欲關沫若。徼牂牁。見夜郎之侯。習昆彌。

之戰而飛鳶。墮水馬援去而無歸。金馬騁光。王褒行而不反。嗚呼哀哉。七年正月十日薨。春秋六十有五。詔贈使持節大將軍。懷邵汾晉州諸軍事。懷州刺史。夫人襄城公主。魏獻帝之曾孫。趙穆王之季女。王姬肅恭。祿翟禮典。四教兢莊。三星令淑。有光隆慮之賢。足表平陽之盛。生則從夫以秩。死則同穴以禮。建德元年八月十二日。合葬於武公三時原。大夫墓樹以柏。諸侯墳高於雉。吁嗟滕公。來居此里。詔諡定公。禮也。公資忠履孝。蘊義懷仁。直幹千尋。澄波萬頃。逢蒙射法。力牧兵書。星辰高下之占。風雨逢迎之氣。故得師出以律。天幸將軍者也。至如官曹案牘。未嘗煩壅。戎馬交馳。不妨餘裕。足使四岳彌峻。三台更明。在朝四十一年。身經一百餘戰。凡任四郡。歷八州。未嘗以貨殖經懷。去如始至。渭南千畝之竹。更懼盈滿。池陽二頃之田。常思止足。身歿之日。家無餘財。素車白馬。狹室崎嶇。黃腸玄甲。堦庭仄陋。有詔冬官爲營寢室。朱邑祭酹。無所漢后。是以賜金陳表。妻子露立。吳王爲之開館。嗚呼哀哉。世子侃孝家忠國。揚忠顯親。是以勒此豐碑。懼從陵谷。植之松